

南潯志卷九

里人周慶雲纂

宅第一

小瀛洲 在西柵朱陽村元褚壽之所居

楊維楨小瀛洲記吳興褚壽之之居有水木花石之勝名其堂曰小瀛洲壽之宴予堂上以記請非徒以山川風俗似瀛洲也以其先出瀛洲學士亮亮之子遂良居杭其後有徙湖之南潯朱陽莊者遂為湖州人詩禮傳家壽之伯仲皆有仕才而不仕其學而仕而都清高之地以繼登瀛之榮號者不在諸子乎

秋卿第 在西柵紀家壩明刑部員外郎紀濂所居

南潯志

卷九 宅第一

一

大宗伯第 在東柵大街明禮部尚書董份所居至咸豐時燬於兵燹光緒中始易他姓

蔣錫綸潯溪竹枝詞尚書門第太凋零綽楔空餘草色青

閒話興亡增感慨幾人茶敘董家廳董家廳址改為茶室是感也按董氏至

道咸時已衰落其宅中大開博場負者死於後園池中者有之庚辛之間全宅灰燼同治時支蓋平房曾開茶肆至光緒中則屬金邢二氏矣

少師第 一在東柵馬家港明少師朱國禎所居 一在輯里村

明少師温體仁所居

董載昌潯溪竹枝詞滿園桑柘十分青中有前朝閣老廳

一帶沙隄誰省識寒烟漠漠雨冥冥

范鍇潯溪紀事詩揭議均田法最良至今父老話難忘淒

涼月落秋林外蔓草寒烟相國莊

水部第 在東柵洗粉兜明工部郎中華士嶠所居

京兆第 在南柵絲行埭府尹張鳴鈞所居

九老第 在東柵大街工部侍郎范璨致仕歸所居欽賜香山

九老匾故名

太史第 在西柵泰安橋西編修夏開衡所居

汪志按道光時燬於火一

在南柵泰安橋堍編修張楨所居

大夫第 在南柵知州徐德元所居

進士第 一在城壕上進士殷維藩所居一在南柵進士陸士

渭所居一在西柵進士陸嵩高所居一亦在西柵進士温鶴

立所居一在馬家港進士温文禾所居以上俱廢一在東柵進士

南潯志

卷九

宅第一

二

龐公照所居一在馬家港進士朱寶書所居一在南柵進士

劉錦藻所居

紀白雲故居 在西柵鳳凰池上紀遠所居

紀遠古樹賦

并序

余久寓蠶塵丁丑重陽前二日移居垂虹

橋之南有古樹在焉因倚樹結屋并為賦之其辭曰嗟乎

哉輪囷天矯而不可方物者非此樹也耶乍見之而情移

久親之而心悅鬱然其貌兀然其節人以爲庭中之奇吾

以爲世外之傑皎如臨風潔如坐雪晝接之而綠陰生夜

聽之而雲濤裂若乃腹之虛也是其能容枝之曲也所以

爲直曾於子山賦裏見亦在摩詰畫中識夫其寄身薄俗

混迹塵市而所以得全其天者其斯臃腫而不中繩墨也

耶

又古樹虯枝偃蹇未為賒傲兀臨軒野客家風起乍疑吹
驟雨日斜渾欲集歸鴉祇堪一室盤盤影不鬪三春艷艷
花與爾相依俱避世吾生何必羨無涯

紀官老樹

子深叔
新居

市烟盡處屋三間老樹扶疎弓樣彎恰

葢茅簷風颯颯偏留菜圃雨斑斑半庭清影供佳客滿壁
濃陰當好山始覺連林未為異平生特立似相關

又過舊宅有懷風霜飽飫得支撐六十年前此聚生自拔
紅塵遮半壁誰承青鏤架三楹研田未闢畦田窄眉宇將
開屋宇清垂老還思江海上晏安惟恐墮家聲

邢典里居有感蠹簡悲香谷

國初明義庵僧
有香谷集已軼

荒居弔白

南潯志

卷九 宅第一

三

雲

紀遠號白雲有遺稿一卷已刻先生故居在
鳳凰池畔余幼時曾過之今為孫氏後園

眼前方百

步流水自云云

金梅詠紀子深宅邊古樹槎枒老樹葦門邊曳杖行吟意
灑然黛色蔽天三伏暑綠陰滿地一聲蟬養成樑棟須千
尺植立蓬蒿定百年世眼只知紅艷好肯將臃腫鬪嬋娟
童童車蓋覆檐端偃蹇虬龍此屈盤枝似古藤垂絕壁
聲疑幽澗落哀湍霜皮溜雨苔痕溼風葉捎雲日影團莫
怪先生常憩息由來詩境喜荒寒

釋秉融和金次調詠紀子深業師宅邊古樹古態橫生不

一端詎驚花果薦杯盤半天露重聲如雨五夜風高響似
湍莫謂無情真落落孰知借蔭亦團團直疑何事千年秀

霜雪盟心總耐寒

紀廷輝老樹樹老根彌固枝枯節愈堅大風吹不折鐵骨
傲人間

姚亦山故居 在洪濟橋畔姚石所居

董扶搖故居 在百間樓醬園街內董浩所居

邢典南林雜詠雞腸街屈曲雞腸街相尋過板橋百間樓
似昔日斷董扶搖

陳補亭故居 陳可升所居今無攷

陳可升返故宅言歸我素志喜是先人廬庭漸蒔新卉樓
仍疊舊書曉晴鶯喚近晝靜客來疎既得長閒適蕭然實

晏如 汪志按半畝間爲可升之祖所居此言先人廬當是其父所居可升祖爲隱士父亦詩人惜名字並無攷

南潯志

卷九 宅第一

四

吳晚青故居 在北柵姚家匯乾隆初吳江吳山秀寓居

吳山秀戲作吾廬三絕以發觀者一笑品字窗穴牆爲窗
迎朝曦長短畫一無參差我家窗式有異製中銳旁豐形
太奇如餅如甕可彷彿咸以方扁議其非主人以爲得之
矣厥狀品字其庶幾然則奈何不名晶晶類乎品長過之
打頭矮屋艱欠伸窗稱其屋方相宜惜少一闌彫卍字并
無六枳限群雞主人日向窗前坐品泉品硯百不疲品題
人物則不敢腹有春秋口不碑由窗而推以意儼象形成
字咸我資竹搖个字響浙瀝香燒心字烟霏微槩陳魯字
一頭蠹書架卍字雙足支鴻送乙字目杳冥畫點介字樹
離披倘招三人成眾字主人窗前無立錐僅堪此間置一

枕羲皇上人是我師 一綫天人家有天如井方我家有
天如綫長其勢宜橫不宜縱累尺而長五六強主人登樓
向西笑奈何令我日面牆得非君公難入世不材宜以牆
東藏可憐明月懸三五新秋那能照我牀差喜風多卷茅
去有時仰屋窺清光堂室閭奧無深淺宛如列肆平分張
客來款語不踰晷時方卓午疑昏黃吁嗟萬古此圓蓋羲
娥出入遙相望豈于貧富殊小大而獨爲我慳青蒼天分
一綫令吾見吾樂吾天周四旁大哉居乎斯足矣高明鬼
瞰非我祥不然且當林屋住隔凡要與人分疆 雞腸術
寓居不作十年計窮巷何妨得暫憩沿河小折入雞腸石
多于土敲不砌紛列溷廁盈頽牆側行猶恐沾衣袂有風

南潯志

卷九

宅第一

五

必勁如鼓濤不雨常暝少開霽北門之掌虛無人時通時
塞無常例有時煩我收管鑰不惜屈身代僕隸夜來頻驚
埕澤呼千呼不鷹毒詈繼吾窮于此占雞棲便老此中窩
不敝自知無力蝸角爭安得全家鶴背繫伏雌早鑿能鳴
灾棄肋肯貪餘戀滯雞腸轉似魚腸寬劍鋌旋折曩時銳
守約不同掉臂游貞凶儼凜壯趾厲一橋疑有虎溪戒三
徑止許羊求詣腸中之人深山深柴扉白日長雙閉

潘似山故居 在南柵市河西岸蔣家街潘尚仁之先世嘗居
此

潘尚仁重葺蔣家弄舊居四首 蕭氏青楊舊日春埽除又
見一番新重來却憶遼陽鶴鄰里還多舊日人 竹間池

畔昔經行蜂蝶逢人弗避生猶憶老梅紅一樹亞枝不向

舊窗橫

曩遷時為我叔移去

巷南元是步兵居二十年來想象虛

甲申遷出計今己亥十六年矣

位置全依當日好滿庭花竹一牀書 歲

月堂堂倏已徂蒼然非復舊頭顱同騎竹馬兒時伴今日俱成偉丈夫

張丹山潯溪棹歌蘇門老去賦歸與詩酒流連好隱居更

有姬人筠綠稿追隨唱和樂琴書

潘蘇門太守尚仁著蘇門山客詩鈔其姬人蘇

始芳字幼馨號筠錄居士著有筠錄臚稿

呂海山故居 在東柵馬家港東岸呂學所居今歸李氏

梅縮居 明寓賢孫淳所築別業今無攷

汪志按蠅鬢館詩話據董說重閱梅縮居

存草詩首句云可憐清嘯靠湖齋謂遺址當問諸水濱然董詩或即指太湖言之未可泥也

南潯志

卷九 宅第一

范鎔潯溪紀事詩渡青飛棹客墳門復社當年韻事存梅

縮居荒人不見一甌茶薦為招魂

寒玉居 在南柵為詩人閔南仲所居

董耒喜閔湘人移居潯上兼示近詠三年不撫湘靈瑟細

入江雲又幾層豈有窮途埋阮籍聽君鸞嘯過孫登數椽

借屋寒于水一棹移家澹似僧如此溪山如此句餘生端

合老吳興

潘尚仁寄題閔湘人先生故居白鷗飛去冷晴沙陋巷蕭

條水一涯休念傳經違父志漫求遺草散人家空樓自換

東風燕廢院誰憐夜雨花宋玉宅惟居庾信於今應自鎖

煙霞

一天居 在薇林書屋北

乍浣居 在大宗伯第內董漢策幼時讀書處

愛蓮居 在大宗伯第內愛蓮池上

研北居 在南柵爲居士范穎通著書處

吉貝居 在北柵施國祁著書處

邢典吉貝主人傳

爲施北
研作

吉貝主人不知何許人也人見

其居於市肆僉曰市肆中人而不知其神遊象外也人見其居市肆則貨吉貝僉曰貨吉貝者而不知其有至寶而未嘗貨也主人少而讀書長而博洽老而著述人見其操不律注遺編則又以爲持籌計簿而不知其揮灑無垠積黃金高如北斗曾不以是染其一毫也有知之者則曰異

南潯志

卷九

宅第一

七

人有知而不知者則曰怪物而不知非怪非異固依然市肆中人貨吉貝者也夫吉貝亦世所罕知非不知其爲吉貝而不知其衣被天下較之羅紈綺縠厥功尤鉅也然則主人雖不可知吾卽於吉貝而知之或曰吉貝之有功人知之主人之有功則人所未知然則吉貝主人究不可知而主人之所以號吉貝亦不可得而知也

施國祁吉貝居暇唱自序去南潯之東百里而遙地沿海田之高仰者宜木棉其鄉民大半植此夏種秋收采積既多卽捆載而易錢於西賈潯之西百里而近地多岡阜爲茶栗竹木山場俗少女工時因其地之所出亦捆載而易布於東賈潯市居其中四鄉之人自農桑外女工尙焉摧

車蹋弓紡綫織機率家有之村民入市買棉歸諸婦女日業於此且篝燈相從夜作亦一月得四十五日工計日成匹旋以易棉蚩蚩續來不已市之賈俟新棉出以錢貿於東之人委積肆中高下若霜雪卽有抱布者踵門較其中幅以時估之棉與布交易而退隨有西之人齎錢來計布值合則書劑與之去而錢存焉姻家盛氏業此者久有別肆在北市收瀕湖漣港之饒事頗繁夥屬余綜理之余久廢學雅不願領徒教授而少習朱墨計然之法諾其請伙伴周旋視其工拙勤惰爲上下食力程功各取裁足月有要歲有會每得餘利若干則題簿而報歸之題簿之暇間以讀書讀書之暇繼以吟詠肆後有小室縱廣不及二尋

胡牀桌椅可以延客中有扁題曰吉貝居志本業也上有小樓一榻以安身一几以置研一筭以藏書油檠茗椀而外了無長物寓坐其間多卽事感興之作以導揚俗情句皆律體或得數語或成一篇輒投之敝篋己巳寓災祝融氏棄不取去比因檢出篇題稍多略加刪訂自丙辰訖癸酉得五十首其他有題詠則別爲集爰命徒輩潔寫成帙遂乞序於諸好友友人以胡餅師之孤唱靳之諾而久不見贈乃握管自述如此山谷云諸弟子惟病俗不可醫奈余作俗人吟俗詩阮家布禪所未能免抑吾行吾素耳或且謂左氏云言之不文行之不遠俗情而以文言出之亦何不可曰六十年來足跡不出里門一行作賈歡事去心

素衣化緇頭鬢已白不過與青裙媪白足郎爲之曹張打
油胡釘鉸爲之伍安得有秀句商聲傳諸口頰閱者當於
溪橋野店漁歌村笛中遇之斯可矣

又寓中被災後市樓初成重到卽事好修牆屋我言旋記

取移薪曲突邊先檢帳符

唐書宇文融傳

須密切更排吟榻要安

便栽花檻小元無地得月窗虛尙有天只爲井商

語見清異錄

間架重敗儂清興苦論錢

疊翠居 在西柵紀家壩紀慶曾所居

壽華居 在東柵馬家港温文禾所居

金錫桂坐壽華居池上復向此間坐眞成濠濮遊元言畢

清景高詠驚沙鷗拂檻柳絲亂出波蓮葉浮何當待月上

南潯志

卷九

宅第一

九

隨意下綸鈎

退庵 在北柵竹篠匯明高士姚某別墅今廢

汪志按舊志在姚家滙譌

借庵 在高暉堂內

豐草庵 在南柵補船村董說屏跡著書處

明董說題豐草庵碧玉藤陰影小廬磁盆秋水鏡紅魚牀

頭一握崩霜劍銷作清鐘伴讀書

又豐草庵雜興藤陰翠落護花籬屋角雲歸度影遲秦吉

了誰聽鳥語磨兜堅又教兒癡占移楓式還名射芽摘茶

園正展旗禹篆學成人莫笑草堂待勒夢鄉碑

又庵居雜事門掩溪南自種蔬十年不上看山輿漸遮窗

影離盆樹忽亂波紋散子魚架借異書籤代換雨蒸舊畫

軸頻舒日長睡起茶烟冷蝴蝶花開夢客廬

又兒輩重集豐草庵昨日困吟役新歌定嬾諧緩攻五字
壘只鬪四聲牌漁給蒸香火禽銜試茗柴紙窗團野話真
箇隱能偕

又題豐草庵書譜病來圖史喜偏增竹架玲瓏疊數層有
日暫拋緣聽雨他年終捨去爲僧窗中磊磊西山石閣外
垂垂百歲藤目錄編成空自惜幾家傳得讀書燈

又菴居卽事歷亂苔生滿藥畦嬾將身世算枯蒼古人不
見那須恨俗客無來自一奇祇爲山川增涕淚可憐風雅
又衰危哀吟坐盡三更雨文苑刪成欲寄誰

時成文苑
英華詩畧

又自題豐草庵羣碎錄歲月頻仍疊紙繁南村碎事入清

南潯志

卷九

宅第一

十

言憂愁壓倒孟東野山水平分酈道元碧篆鐫碑裝白鳳

昔人以白
鳳名貓

綠蓑衝雨買金萱石幢擬傍松根豎一任秋風

轉繡旛

後四句並記
草堂近事

又豐草庵新聲采蓮折柳代極情文桃葉竹枝辭分歡戚

事傳豐草體變新聲天下有情庶幾墮淚賣得針秧屋後

田采香船是賣書船誰人解愛杉煙鼎還許同參豐草禪

爲繡青山買色絲他年長挂夢鄉詞珊瑚一把啼鵲淚

團扇新題落葉詩 薔薇影裏種紅魚一尺盆松翠鬣疎

不是舊衣偏稱體爲將白苧換新書 十年魂夢到峨眉

補却王家一段奇

右軍思遊峨眉與友人帖
云若果此緣一段奇事也

無端唱出新

聲曲到處風傳徵調悲

閔南仲春日雜興和豐草庵韻
菝毫禿盡不留尖硯北猶
存三百籤名酒乍斟難取醉異書頻乞未容廉香因宿雨
氤氳遠衣爲春寒禁痒添正是閒愁無着處西冷怨句又
重拈
夜讀雙眸月穎尖微風瑟瑟響瓊籤夢中江海由
來潤紙上興亡看亦廉愁欲來時憑酒洗花當缺處借香
添清狂似我真無賴那用心宗問白拈

紀官潘喜曾養疾庵中余勸持詩戒文章爲崇不足患用
心無已誠可憂此地閒冷散愁結觸眼好景慎勿酬礙簷
鳳尾翠光浮深深尺草風颼颼壁間屋漏交青藤中懸黯
黯古佛燈參差樹頂白烏立屋背清溪流正急焚硯瘞筆
永夜泣亦是書生常氣習庵中一事欲語君執爨老人實

南潯志

卷九

宅第一

十一

姓聞洪鐘雷鼓聲大別十年耳聾渠不分

董漢策西平樂癸巳春叩豐草庵晤西庵師大隱高心全
身妙解閉門似病如愁舉世庖廚我爲麋鹿長林豐草優
游何用投淵洗耳只此紅塵堆裏江山儘自清幽相逢聽
雨西樓使覺人間可憎從鷓鴣溪畔判鴻溝
聽雨樓鷓鴣溪皆庵中境
冰霜凜雪炎風盡浣更聽秋聲我與爲秋
庵有秋聲 靜裏

石頑成夢影落寒流比儼懸厓枯坐水月同觀醒夢無端

總不留
庵有夢石樓潭 黃葉臺前殷勤授易
黃葉臺在庵中央 此樂如何

別矣梅花吹送餘香還應許我檣舟
遠庵種梅數十本名梅花渡故名

劉桐過豐草庵弔董若雨先生絕點塵埃百尺樓行人誤
認傍山邱夕陽斜映疎林外怪鳥低飛古渡頭吟到好詩

初落葉參來小影宛停舟
先生有舟居聽雨圖
從教遯跡空門去長
使高風此地留

張鑑過寶雲和尚豐草庵瓶盞無端付劫塵重來門巷及
蕭辰白衣自合稱開士青史何從傳逸民禪室樹深仍度
鳥釣潭秋淨不生鱗西風吹墜昭陽夢誰爲招魂問後身
張鎮過豐草庵有懷董西庵先生挂衲逃名去徒存揚子
居空梁飛舊壘破壁想遺書樹老陰無幾人稀草不除幾
回池上立落日正踟躕

沈謙潯溪雜憶詩鈇鋤潭邊水半渾丁丁斧惱補船村可
憐豐草庵何在水市南頭試叩門

紀方虎豐草庵懷古脫却青衫去歸來兩鬢華此身甯有

南潯志

卷九

宅第一

十二

累斯世竟無家吟瘦寒梅影歌殘落日斜西風天地冷清
淚溼袈裟

紀慶曾過豐草庵遺址冰雪殘冬萬木枯陽春纔到氣潛
蘇那知薄暮荒江上獨聽林中叫鷓鴣

陳可升追和豐草庵卽事之作炎威喜乍釋夜雨曉還續
天際秋欲來槐柳滴新綠俯仰一無事豈復有羈束蟲鳥
適然鳴興會頗相觸深言各有懷情終不附屬落落數親
朋風窗散棋局

董志林漫興和豐草韻水浸樓臺月浸牀碧雲堆裏一茅
堂曉風楊柳懷人句夜雨棠梨選夢場落葉有聲留野渡
亂鴉無語坐斜陽生憎酒冷燈殘處敲枕孤舟引恨長

閒斷黃齏啜粥糜自來怕是合時宜狂情幾弄漁陽操醉
眼頻摩幼婦碑半刺十年懷不滅千狐一腋價難移只今
北海知何在贏得洲前淚滿池

紀磊過豐草庵言尋豐草庵遂至夢華潭名里一龕故依然

斯人長已矣寒聲振林木雲影澄潭水躑躅不能還小雨
溼芒履

秋聲庵 在豐草庵旁汪志按南潛爲僧之後有漏霜庵之名蓋卽此庵所改

兌庵 沈登瀛築在所居之後與金錫桂讀書其中後錫桂卒
登瀛爲治棺殮卽呼錫桂妻子割兌庵之半以居之

孫燮柳橋於屋後別作精舍偕山甫讀書其中渡約入深
巷連牆隣舊廬檐低渾礙帽地潔好藏書煮茗兒行汲栽

南潯志

卷九 宅第一

十三

花客荷耡最憐高樹近鴉噪五更初

又疊前韻贈山甫我友金山甫來居隔水廬閒還攜子課
勤只傍窗書小傳先賢纂叢編亂草耡添成新著作不負
此心初

又過柳橋精舍拜山甫靈座再疊前韻誰教絃誦室孤子
此居廬夢幻疑人世因緣信佛書編年詩待訂埋骨地應
耡我邑添流寓何如孫太初

又三疊前韻贈柳橋君能懷死友而與共蘧廬一紙賃居
券千秋敦俗書靈牀躬措置亂石手芟耡足使鄉閭式淳
風還太初

金錫桂沈柳橋

登瀛

新葺別業讀書其中招予同往孫愈

愚有詩見贈輒和其韻二首鐘聲聞最近隔水有僧廬曲
折新開徑招邀共讀書學期同志切人比耦耕鋤暫息奔
馳轍歡然下榻初 來赴故人約束裝辭敝廬快然忻一
飽老矣倦傭書地闢一弓廣花謀三徑鋤深情何以報投
分想當初

紀晴嵐故廬 在西柵紀家壩紀寅所居

紀寅敝廬漫說溪山等若耶平田片段接村沙石橋挂網
新魚市荻岸飄帘舊酒家埽室不開惟竹影遮門迷路有
秋花擬同五柳柴桑宅豈有塵蹤到水涯

遠偏廬 在南柵石澗張肩所居傍多栽竹

范鍇潯溪紀事詩解溪溪上水雲居舊有張肩此讀書日

南潯志

卷九

宅第一

十四

暮天寒美人去蕭蕭風竹遠偏廬

許旦復野行潯南煙景足幽居桑柘陰十畝餘欲訪高

人棲隱處結廬須傍遠偏廬

遠偏廬爲張山人
肩舊隱處在石澗

冬心廬 許旦復寓居

許旦復避難返柵村南潯又被焚燒斯真一椽之賸矣我

家賃屋冬心廬恐亦難免小劫修羅孰主之潯川埽蕩竟

如斯烽煙不斷來朝暮殺掠頻番閱歲時凶燄難教天遏
抑眾生莫仗佛慈悲塵居萬戶今何在瓦礫斜陽蔓草滋
廿年賃得屋三椽尚有殘書未遽遷每念堆來倘漏雨
忽驚銷盡化寒煙前時疎懶嗟何及此日悲啼孰爲憐兒
死心傷還未甚而今心曲痛無邊

董蠡舟辛丑正月五日海樵招同剛木子瑜景顏小集冬

心廬賦此索和開歲倏五日陶公念吾生因之接賓侶提

壺聊縱情撫時適相契望古心屏營故人踐佳約肴馨酒

復清參伍無俗客二三皆良朋脫略豈拘禮主賓胥忘形

有客忽興喟影事頻相振眷彼花下宴歲籥俄一更子香談及

去春拾香草堂看梅雅集故事又抱存歿感黃壚愴笛聲謂子敦我云且痛

飲觴至輒復傾三杯既陶陶萬感咸冥冥此日貴作達毋

令愧泉明

我耕廬 在南柵明黃周星題額後爲潘尙仁所居

篷窩 在輯里村温斐忱所居

温斐忱篷窩記篷窩者何温山子偃息之所也窩向南爲

南溇志

卷九 宅第一

十五

戶于西以帷垂之長可丈八尺濶丸尺高九尺背牆而面
虛若傍舟于岸而啟其窗之半者故曰篷窩焉中間列書
櫥二上聯于墻下設醉翁椅一中虛尺許通前後出入前
臨窗列半几几前設花梨椅一可盤膝坐近戶列書架架
前設小椅壁懸大士像供紫檀几列銅樽香爐水盂拄杖
蒲團後列書架一木榻一榻依于架可卧而觀書榻前布
長几具研墨觚翰茗椀棊局温山子日坐卧其中不迷武
陵之花不掉剡溪之雪不嗅晚浦之蓮不泛牛渚之月雲
天共其溶溶魚鳥同其潑潑自謂雖千乘之尊不若一窩
之適矣三五之夕窗外古桂一枝扶疎簾影如展素屏十
二觀文與可墨竹清冷可愛此又扁舟一篷所未得有者

也昔明有裴民庭者江湖士也自號一篷而安樂則康節之窩也子烏知擬古取其似者云爾若謂予兼而有之則媿甚

潘隱君草堂 元末潘公穎寓居今無攷

明虞堪寄南潯潘隱君草堂湖頭隱居好竹樹日蕭森對

酒花當面焚香鶴在陰青山應似舊歧路只如今潘令思

吾面高情足漫吟

又訪潘公穎潯南隱居去歲途逢歲欲徂今年歲晚訪潯

隅頭顛未老心還一作先折世路多艱事屢殊知子淮南思

桂樹愁予劍北問桑株間情廿載渾依舊卻笑虞翻走畏

途汪志按堪字克用一字勝伯自號玉屏山小樵家長洲洪武中雲南府學教授著鼓柷稿一卷一本作虞山人

南潯志

卷九 宅第一

詩三卷鼓柷稿作潘公隱虞山人詩作潘公穎又有送潘公隱還越上將葬乃父子素翁詩則二本皆作穎字其作公隱者蓋以隱君隱居等字音相近而致誤也攷潘子素名純淮南人見敦交集據此詩淮南劍北一聯蓋子素自淮南徙越公穎自越徙潯也堪先世本蜀人故有劍北之句

琴堂 在南柵華氏小桃源園中其地趵然有聲故名

致覺堂 在南柵廣惠橋西明張鉞所築

清美堂 在東柵馬家港卽朱國禎少師第按費恭庵日記朱佑明買董氏宅既

改造邀金太傅之俊留飲金歸云在一大貨船中飲數日耳問故云浪船亦有一匾朱聞之大惡適其甥韋甲買朱相國家清美堂匾董思翁筆卽以送佑明挂堂中逆書案起板上

紀遠清美堂看梅寂歷蕭齋畫杜門探梅聊復此閒行南

宗句法推和靖舊相風流憶廣平昔日捲簾通乳燕今朝

掩卷聽流鶯春深無復閒題詠綠野堂前感慨并

高暉堂 在南柵新開河明董斯張董說父子所居

董斯張高暉堂前燕土巢啾啾聲嫗一四其子客言此閩

喉象胥不可理燕問客何言汝答恐無以昨到碧眼僧親

渡流沙水卷舌宣清梵漁童笑不止神聖亮斯傳語亦駢

枝耳木與石何情點頭而東指人鳥兩寂寥五柳琴鳴矣

紀官集高暉堂何必停雲遠寄詞寓公萍集慰相思無分

主客揮毫健自有門庭覓句奇文出定然評繡虎詩成不

俟聽黃鸝飲同避暑人休訝取友親師却在茲

董蠡舟潯溪棹歌高暉堂北漲拖藍輿福橋西是借庵不

見苦吟瘦居士雙雙檣燕訴詎誦靜獻齋存草有高暉堂前燕詩

漆鏡堂 在高暉堂旁董斯張所築得唐時漆鏡因名

南潯志

卷九 宅第一

十七

明董說漆鏡堂雜興重拈瑞草表茶魁杜牧之詩茶稱瑞草魁 石臼

敲殘午夢回王子券收新便了董生行續古嗟哉王褒僮約奴名

便了韓退之作嗟哉董生行爲董召南悼不遇也 篆縈奇體筆垂露琴斲名工樣

學雷文稿不須還作塚撚成紙燭看飛灰

張鑑潯溪棹歌漆鏡堂前落葉稀夢華潭口夕陽微漏霜

樂府誰能續無賴芻尼接翅飛董若雨家築漆鏡堂屋上常有靈鵲人以是異之

雁影堂 在豐草庵中

明董說八月離補船村題雁影堂西壁西風寄語碧菰蒲

休把忘情罪野夫秋水已題茅屋榜夕陽待補板橋圖危

樓此去看霜雁破艇重來熟浪鳧珍重溪光自矜惜洞庭

兩點一村孤

夏爲堂 在東柵馬家港爲寓賢黃周星隱居周星又曾寓董氏屋有董廡吟

渭雲堂 在東柵下塘董氏所築

董漢策壬寅燈夜同人集渭雲堂漫賦春星萬點照書堂
玉樹含輝盡夜光影浸明樓人月靜風來水館夢華香素
心喧寂同天籟紅友參差送羽觴醉國桃源接壤在諸君
從此問羲皇

樂志堂 在東柵皇御河工部侍郎范璨所築恭奉御賜松巖樂志匾故名

董襄人日集范野苹樂志堂卽席次令兄澹人原韻 壬戌

小飲及佳辰天街雨洗塵 是日大雨 詩題人日舊宴啟草堂新

南潯志

卷九

宅第一

十八

酒壘分兄弟 座上惟范氏昆仲及余兄弟三人 騷壇角主賓梅花殘欲落

吾計正愁春

寶詒堂 在北柵外李家河孫氏所居

袁士達經潯溪過孫電暘村舍話舊茅屋曾無百里賒爲
君雅愛滯歸槎身逢故國猶爲客地較他鄉已是家西隴
稻香肥紫蟹東籬霜冷綻黃花杯深轉覺心添緒分手溪
橋月又斜

紀復亨至孫紹武家看牡丹一棹延緣就牡丹到來穠艷
悵凋殘轉思昨日顛風急知向高臺特地寒斜曳纖裳愁
故苑半敲叢佩倚危欄明年早辦看花眼醉倒枝頭赤玉
盤

夏耀曾丙申春暮寶詒堂孫宅看牡丹一度尋春一黯傷

素衣愁對百花王驪戎兜率描摹別

先大父詩有驪戎國內渾無色兜率天邊

別有香之句

麗日晴風韻格香

先節母詩有紅迎麗日朝酣酒笑倚晴風暖送香之句

兩

世新詩成古蹟廿年舊路認斜陽羨他無恙梁間燕長伴

名花話草堂

又看花次日偕董大

鳴虞

華四

衷周

重過寶詒堂評鑒壁

間題詠仍疊前韻以示同人兼贈主人孫丈為愛名花重

枉步相攜詞客盡韋王紅顏傾國無慙色藻句掞天亦自

香十畝桑麻成小隱三千翠黛擁昭陽天津橋畔新詩社

收拾春風遍草堂

溪上草堂

明董份築今無攷

汪志按或云即蓮漪草堂

南潯志

卷九

宅第一

十九

明董份草堂新成適子睿過偶作家住潯溪綠水隈臨風

新築讀書臺應門只有雙黃鶴惟許幽人日往來

又溪上草堂碧溪深處絕塵喧自汲清流日灌園却笑漁

船長共到不知是否比桃源

蓮漪草堂

在東柵蓮溪上亦稱蓮溪草堂董漢策所居後歸

金氏更名蓮溪書屋汪曰楨嘗賃居於此時修輯鎮志並取

近人未刻之文錄存題曰蓮漪文鈔誌其地也

董良弼感懷

有序

予有祖父所遺蓮溪草堂境頗幽靜予兄

弟同居門外古槐如繪前臨方池芙蕖擢秀每于晚風曉

月清香撲鼻樂何如之予於己酉自京旋里已售與他姓

海燕來歸舊巢已失付之浩歎而已 多年混迹類魚鹽

回味何曾似蜜甜尋壘燕思歸折棟奪巢鳩喜喚當簷桃
花泛水從茲去柳絮隨風著處黏三徑關心今已矣決疑
奚用卜靈籤 門牆槐蔭似虬松回首何堪歎莫容試到
習池終姓易難歸趙璧本才庸兄酬弟勸豪情洽月下燈
前絮語喁昔景依然空涉想碧荷香散露華濃

金大鯤蓮溪書屋先大父讀書處也長夏小憩慨然有作

門外藕花香門內書聲起鄰媪爲余言宵深猶如此誰是

繩武人而忘三味旨

吳江兩周公

兩清華先生

苔水一凌子

備人先生

於茲結文壇相與討詩史荏苒百年間雙桂猶存耳

完璞堂

董氏故居今無攷

閔南仲今夕良醺會行呈陶子靜兼簡同席

并序

陶與李兩

南潯志

卷九

宅第一

二十

君者越中之快士而芝翁之舊好也揮金結客買絲何必
繡平原垂手援人窮鳥底須投季布客秋九月來訪董師
董師投轄以留賓客子凌冬而度臘獻歲元夕前四夜子
靜愛玩白雪追蹤兔園未遇燒燈之期先作傳柑之醺庭
多勝友盡潯上之名流坐鮮雜賓半膠西之俊士顧余無
似亦廁賓筵飫熊之珍羞別出南烹北饌羽商之逸調新
翻豪竹哀絲主人情重極意娛賓遠至嘉禾探尋煙火驚
彩絕艷駭目欣心加以爆竹流星銀花火樹旣彌縫其罅
漏遂紹續其始終飛觥浮白月盡更闌斯筵雅暢清歡今
夕可爲彥會苟無新什遺笑前人因與書田約各爲詩歌
以紀其勝不揣蹇淺意欲貽諸後來數千百年外亦足爲

交友中一段佳話也卽夕扶醉題於完璞堂之東偏玉堂
投轄留親串遠主傳柑啟良醺雪片猶堆鴛瓦平雨絲旋
灑苔牆遍長沙後裔劇英賢隴右雲孫仍俊彥嘉客重逢
鄴下才璧人親見河陽面主人情重欲娛賓銀花火樹何
繽紛寶鏡晶瑩搏白鵲珠環照耀出青麟黃金塔現空中
霧碧玉樓看海上塵柳絲棠雪春爭艷月暈星流天更新
主人娛賓情未足撻金伐鼓吹燕谷蜀絃嘹嘒響輕冰湘
管幽鳴夏哀玉鄭子能爲窈眇音周郎解顧淒清曲季倫
金谷擅風流逸少蘭亭乏絲竹仲叔蕭條類仲宣酒寒燈
背聳吟肩破帽青衫隨遇適朱鞋葛履信天緣悲歌激越
觥籌外俠氣縱橫案席前書成繭紙蠅頭字乞與遼陽鶴

南潯志

卷九

宅第一

二十一

返年

寶慶堂 在輯里村明温清樂所築

屏山草堂 在輯里村温氏寶慶堂之東南隅

温棐忱屏山草堂記吾始祖清樂公於寶慶堂之東南隅
作堂堂下雙松相傳明以前物其堂或因樹而建然不可
攷矣雙松之下壘石成山爲石梁爲溪澗有奕棋之亭有
夕照之軒今皆頽廢而石臺餘址尙存蓋吾始祖於洪武
三年由長興遷居於此傳至吾祖已二百餘年矣山故多
奇峰怪石吾祖歿爲好事者移去巉巖突兀之觀今所存
者十之二三而已矣堂向無扁額吾父葺新之而吾師嚴
逸山先生適來是堂曰是不可以無額題曰屏山艸堂棐

忱請其義日子之尊人少負經綸慨然有天下爲已任之志每以家相之爲政七年遭時多故謗議叢興思出而補其所不逮是豈山中之人哉顧遽遇滄桑之變杜門絕跡三十餘年同時號爲逸民者或以怵迫而趨西東而尊君抱其孤貞以道自尊鄉邦望之如泰山喬嶽然可望而不可卽其爲屏也遠矣名之以屏山固宜斐忱日敢拜先生之賜因請徐公樹丕題其楹退而記之系之以詩日亭亭雙松吾祖樹之貽吾孫子百世之思奕奕屏山吾師命之贈吾大人而非諛詞高不在山屏不在藩彼捷而徑有覲其顏而何足與言

貞石堂 在輯里村明温璜所居

南潯志

卷九

宅第一

二十二

温斐忱貞石堂記

節錄

貞石堂者先司理伯寶忠先生之堂

也東向面田築牆爲蔽隙其中望遠敞北戶以通出入由堂而進有亭其深如堂廣半之旁植蘭桂蕭疎可愛康熙間兄天璧窘于官負折售以償到今十五年矣斐忱於是追憶之爲記曰予兒時於歲首拜公遺像因得瞻仰所謂貞石堂者後讀公母陸孺人傳公三歲而孤所遺僅一室孺人奉其姑設牀褥其中則公之先固未嘗有堂也後孺人以貞節旌公建是堂顏之曰貞石蓋公初名以介字于石介石貞吉常目在茲此堂所以志也公年五十九中崇禎癸未進士授徽州府推官未逾年而舊京陷同其鄉大夫金聲提一旅以捍孤城力竭死之距公之讀書于斯堂

也不二十年而公之志畢矣公之死也先殺其夫人與女而自刎題其帶曰世受國恩一死以報方是時全軀保妻子之臣纍纍矣而公以藐焉孤臣誓死靡他於是公之名重天下公歿而其門人故舊輯公遺稿梓之貞石堂集出海內慕公之節讀公之文而後知公之介節不移本之學問而非出於一時慷慨激烈之爲者於是世之學士大夫重公之文而貞石堂之名亦重於天下嗚呼公之大節在宇宙行誼在文章雖與日月爭光可也而何與于斯堂之有無獨予以宗門後裔自幼卽知敬慕公而仰公之遺型如接音徽於斯堂今一過之而疇昔周行術徑已不可辨不能不爲之慨然而興歎因記之

南潯志

卷九

宅第一

二十三

樂天堂 無攷

紀遠二月小盡飲樂天堂紫牡丹花前漫賦花王殿春春欲老眼明暫得抒愁抱主人情重爲開樽如泉不惜客傾倒花枝照酒能幾時明日看花迹如埽天公似會惜花意略着輕陰花更好寄聲蜂蝶莫相尋我欲抽毫縱幽討人間未有簪花人一抹遙情向誰道香分色借已陳陳愧我筆難穿魯縞

怡顏堂 在南柵孫燮所居

董蠡舟九月七日雨中呂揚招同春治丈許曙卿沈金城

登瀛紀石齋磊丁子香桂汪剛木曰楨及哲嗣斯詠小集

怡顏堂佳辰迫重九良朋有嘉招魚箋屢促召雀紡復見

邀偶值風雨會將毋慳吝嘲入座無俗客團蓋咸碩交主
人文章伯長輸駕天濤安昌老經師頽齡學彌劭高文繼
八詠外累捐一瓢紀瞻江左俊丁度列仙曹孫郎及汪子
才富年方韶清談各娓娓元箸何超超伊予廁其間眇若
牛一毛俯飲醉醺醖仰和慙絃匏雅材歌德飽蒙叟言意
消聊賡伐木篇撫事託長謠

孫燮九月七日招張秋水先生鑑許海樵旦復董鑄范蠡

舟沈柳橋登瀛紀石齋磊丁子香桂汪謝城日楨草堂少

集鑄范有詩予亦和作閉門時序遷故人久不見商量折
柬招草堂作歡醺是時近重九秋天風雨戰扁舟載客來
一半衣裳濺年推張蒼高情重汪倫睠考古隱侯博談經

南潯志

卷九

宅第一

二十四

叔重擅少瑜六朝良敬禮三國彥峩峩董夫子顧盼目如
電陽春發高唱四座皆稱善伐木求友生蟋蟀感歲宴一
聆君子謠未免後時歎申章報嘉惠聊以杼繾綣明年櫻
筍時預約春光餞

紀磊弔怡顏室

即孫愈愚先生故居

不積黃金只積書當年心計未

全疎豈知轉眼成灰燼書比黃金更不如

禮耕堂 在楚芳橋南施國祁所居今歸蔣氏

范登過施北研禮耕堂值楊秋室邢書城至

舟溪

南作咫尺溪南路還同訪故人滌洄仍鼓櫂悵望忽迷津
漁唱中流晚梅開小院春清談逢二妙握手倍情親

施國祁春夜歸省何須服賈駕車輶歸省從容卽此宵扶

路暖風春寂寂伴人明月影蕭蕭牛鳴遠道無三里犬吠

長街有十條盼得梳行將近處舊家曾在醋坊橋癸辛雜識先祖

僑居吳興雖食醋必市於官一日與客持螯醢味頗異問之則乳母所為以備不時之需者遂亟棄之日畢竟是官司禁物烏青文獻宋末酒醋稅務兼收兩鎮稅課元大德間各歸所屬烏鎮屬湖州移在南潯止管稅課酒課案二書所云故鎮之中市有名務前者吾里中必有醋坊此橋以是得名余家尚在橋南數十步

又除夕歸家感事題壁無那光陰懨懨催蹉跎小効事難

裁代庖越俎元非分贈策臨行也欠才老畫歐陽壘杵夢

年分利市蠟燈灰婆娑賬籍封還罷拂袖且歌歸去來

西芬草堂 在東柵洗粉兜姚景燾所居

拾香草堂 温曰鑑所築

孫燮消寒第一集拾香草堂對雪用東坡聚星堂韻一弟

南潯志

卷九 宅第一

二十五

長年坐鬪葉一弟清歌擅白雪安排酒盞召吟賓此事應讓阿兄絕是時雪後天氣晴竹樹全封梅壓折詩壇白戰塵心兵要使泥鴻爪不滅人生勝會不可常歲暮那容蛇尾掣披帷卷地朔風來吹得綠醺生皺纈文章原不管窮通囁嚅媚人吾豈屑明朝見睨雪全消富貴浮雲等飄瞥世人半是嶺南犬群吠聲中君莫說熱鬧能存冰雪腸如君洵是錚錚鐵

董蠡舟三月三日偕剛木過霽華拾香草堂看梅相交三

載花時從未相造也用東坡點燈會客韻索和禁痒餘寒

二月天連朝風日失暄妍剛逢河渚探春候同放山陰乘

興船認我游蹤開一幘君有鄧尉探梅圖泥人香夢閱三年花前

共展新編讀布廣前聞繼道元

君方撰魏書
地形志集釋

又用前韻呈秋水丈並約同往看梅霽華豪飲故有六句
冬嶺蒼松獨得天文章晚歲更雄妍亡書何止記三篋賃
舍那須牽一船幸接同舟李元禮好尋着械石延年偕來
玉照題新句格律偷應許老元

温曰鑑春雨喜陳辛彝

經

至久闕楚然喜空階上綠苔桃

花春水漲細雨暮帆來古劍千金佩清樽一笑開好將新
卷帙秉燭互相裁

楊鳳苞同陳生經過温氏拾香草堂看荷包牡丹昨夜東
風昨夜寒漸舒宮纈小紅攢一簾曉雨如塵細也報春光
到牡丹 三寸青羅一捻紅花瓷窠石映玲瓏從教洛下

南潯志

卷九

宅第一

二十六

添名種定入歐家小譜中 弗弗輕綃蹙細紋東君未倩
麝蘭熏玉人插伴釵頭燕不共羅囊繫繡裙 半春幽恨
爲誰緘細朶如親女手摻名借香纓宜雜佩芳時空負鼠
姑銜

深柳讀書堂 在西柵弔橋內卽吳巖愛日軒故址沈登瀛所
築

許曰復沈柳橋所建深柳讀書堂火中無恙此向日友朋
談醺之所也喜甚爲賦此章作屋詒謀德務滋鬱攸那得
橫加之三槐堂豈王公比五柳宅還陶令遺硯北勘書參
大筆花南歎客把清卮廿年前是追遊地歷劫仍留差是
奇

又沈柳橋家深柳讀書堂竟被焚去昔時樽俎雅集之所
何堪設想雅集華堂憶昔年主人一去渺重泉頻經烽火
仍無恙或是神靈默有權厄到終難逃劫數客來悽斷對
寒煙丹黃千卷還留得賴是兒孫計早遷

三徑草堂 蔣氏所居今無攷

施國祁丙子春寓讀蔣也菴三徑草堂卽事無緣祠綠

放翁

與分司香山香 老大羞顏作館師今夜宿來三徑裏真成第一

破題兒 芳梅落後杏梨嬌不分窺園破寂寥却聽檐端
春鶻語忽驚明日是花朝 執經隅坐盡前頭竹馬童心
且罷休莫倚韋家思舊語小年逃學慣登樓

微笑堂 無攷

按此堂無寺廟可隸姑列於此

南潯志

卷九 宅第一

二十七

紀遠寒食後同文若蕙如過微笑堂訪晉幢上人禁煙已
過覺紅稀訪舊尋春去較遲猶有桃花三四朶老僧指點
說開時

九友堂 在南柵育嬰堂內同治癸酉汪日楨等九人醵資所
建前臨方池雜蒔荷芰兩岸綠柳垂條頗饒幽趣

汪日楨九友堂記

文見碑刻

徐有珂九友堂後記

文載集文

蔣錫初九友堂歌

仿吳梅村畫中九友歌體

廣文先生天人流一官冷

署貧無憂左圖右史經術優才高運蹇人不尤

汪日楨

伯倫

豪氣凌滄洲慷慨好義人依劉薦書頻向懷中投有時騎

鶴揚州游劉鏞 誰其繼之公藝儔同居九世無相仇宅心仁

厚情夷猶漢陰丈人忘機謀張頌賢仁山講學垂千秋外實

相似中藏幽好施樂善傳鄉陬情推族黨咸歌謳金桐顧曲

乃有江東周眞書直與眞卿侔圖書金石供藏摻性耽風

雅筆力適周昌富鹿門舊德迎前修才如剝繭同絲抽計然

有策工持籌不願車前擁八騶龐雲鏞靈鞠後人羣推邱高

卧元龍百尺樓杜門不出居無愁江湖放浪隨閒鷗邱炳咸

丹青獨絕推虎頭太原公子衣褐裘一鞭走馬還擊毬能

將道路開驂騮顧壽松子文結侶推羊求開樽北海互唱酬

詩書滿腹懷奇猷羣賢畢至符九疇蔣堂

蔣錫綸潯溪竹枝詞新築三椽好納涼沿池四面種垂楊

荷花開後添香韻消夏爭傳九友堂

南潯志

卷九 宅第一

鳳梧堂 在南柵廣惠宮右府城隍廟後鎮紳以廟中餘地建

堂三楹爲集議地方公事之所光緒二十一年創設團防局

卽駐此堂辦公

趙氏溪樓 在西柵務前明趙金趙雋祖孫所居

明董份秋日過宴心山樓上幸有王孫宅甯無東郭游融

尊賴常滿陳轄判須投高閣景難暝疎林色易秋小山饒

桂樹自是得淹留

明王叔承赴蓮池宏上人講筵輒同宋宗獻僧行恣過訪

趙長文溪樓卽事齋餘尋勝侶塵市卽滄洲少喜千秋業

貧嫌七貴游野航蓮社約村醕藥錢留滿眼驅田舍那堪

百尺樓

紀磊趙心山故居市樓臨水稱幽閒一室婆娑只閉關聞
道文劉結詩社不曾招得趙心山

和雲樓 明董份館李樂于此今無攷

太清樓 在大宗伯第西明董嗣昕讀書處

抱冬樓 在南柵廣惠橋西明張光治讀書處

曉寒樓 在豐草庵中董說夢至石樓有七字篆牌云七十二

峯生曉寒因名後紀磊亦有曉寒樓今無攷

董說讀書曉寒樓上崎嶇待來哲秋淚硯中滴飛盡瀟湘

雲葉脫四山寂古人不著書當年空戚戚懸心百世下朽

骨求良覲

聽雨樓 在豐草庵西

南潯志

卷九

宅第一

二十九

且住樓 在蓮溪上閔南仲廬居

董師植沁園春閔耐庵自豫章歸新僦小樓顏曰且住賦

歌索和倚韻答之魯國苗裔膠西孫子在雁行間但軒渠

遐舉英風蔽月蕭閒自好落魄深山君且幽居我能乘興

掉臂遊行把釣竿晴簾外任江魚潛躍舞鶴盤桓 無心

斜倚東闌看幾點飛花且放顏怪吟肩高聳神寒骨瘦霜

巖徒步暮去朝還白晝攤錢良宵釀飲風雨飄搖不揜關

蓮溪上有綠荷紅芰儘可言歡

霏青樓 在南柵廣惠橋東董思讀書處

董衡九日風雨夜集霏青樓分韻得九字溼霧暗高空登

臨一何有雨深樹欲兼雲重山疑九意冷半因秋心頑全

付酒豈惟陶令然不醉非吾友

倚鶴樓 在藤語軒南

影山樓 在白雪齋中董漢策所築樓前有影山徑

董漢策影山徑

此地無山而余性喜山甚以雲為山玩其橫側峯嶺號為影山故徑曰影山徑樓曰

樓

影山樓 冰闌斜倚月牆角白雲虛磴幻通天室風清埽石居

迴轅無俗客送橘有剡書澄目景何盡烟巒得自如 又

影山樓 似有如無天半嶺非耶是耶雲中人高懸帳裏夢

鄉印輕移空中屋樓春芙蓉仙闕雨餘失麟鳳奇峯曉色

新坐攬千山萬山趣歷遊洲島旦休論

夕佳樓 董漢策館張道岸于此今無攷

張道岸潯上夕佳樓奉贈秋江道兄 有 吾友楊子天益菰

南潯志

卷九

宅第一

三十

中雋士也身兼三絕風度藹然置之晉人中當與阮嵇稱

伯仲一日晤眉仙席次請更字于余余曰仰挹清範秋江

其可乎問何義而曰君不見江自巫峽來其流遠矣水至

秋而澄其氣深矣深且遠非山水之最勝乎况君以秋水

為神涵虛澹宕舍此其安所取耶爰賦短章以推雅尚云

楊子凌雲器超然不可疎清風融物累真氣入黃初木

落山容見波平帆影徐坦懷歌爾汝靜對若憑虛 辛亥

三月七十二峯樵張道岸懸渡時年已四百二十甲子矣

九宜樓 在蓮漪草堂西董烱讀書處

董漢策九宜樓即事萬言薄有縹囊恨一劍當空日影寒

雨過殘燈供夜讀清宵常抱陣圖看 宜風宜雪更宜秋

酒送清歡月挂愁窗裏吟聲飛綠玉人間卽此采眞遊
又九日同溫蒼來九宜樓小飲灑氣灑折涼雲天宜秋宜
醉看蒼煙酒鎗夢壘眞兒戲詩瓢拇陣還迥然人情爭學
馬蹄疾道懷終與冰淵傳同君一笑橫今古杞菊澹永堪
參玄

董炆九月旣望與經遠弟小飲九宜樓閒居了無事逍遙
坐南窗酌酒招吾弟相與話羲皇斷牆吐明月皎潔生寒
光天宇若晝明零露垂簷下堦蹋花影殘桂留微香苔
間埽落英收拾充枕囊喜伊不趨炎傲骨甘清涼醉餘思
煮茗頑童入夢鄉相對兩忘言四壁啼寒螿

董燿題竹隱兄九宜樓次兄韻生成傲骨世情疎深揜柴

南潯志

卷九

宅第一

三十一

關獨寤歌松罩小樓秋意好竹搖荒徑夜聲多讀書敲枕
聽兒子把釣乘舟入芰荷便可此間長避俗襟懷澹蕩樂
如何

董燿九宜樓雜詠舊插五株柳今栽百本桑尙堪供嘯詠
春草滿池塘書積高連屋春深綠滿庭上階鋪碧蘚昨
夜雨冥冥元龍樓百尺貞白閣三層卧起浮雲盡南山
見一棱疎竹漏初日高松聚晚風地偏無客擾抱膝故
書中

董調元九宜樓晚眺環繞有洄溪層樓聳岸西槐陰歸鳥
倦暫寄一枝棲

董肇鏞九宜樓白皮松虯姿只合倚天根移種書堂比德

鄰舊物百年思手澤霜皮十丈見龍鱗陰迷羲魄長疑雨
翠挹湖山不爲春莫羨向榮凡草木知君自抱歲寒眞
又美人峯石石骨偏呈窈窕容巫山頂上最奇峯天邊蜀
道眞難上夢裏襄王豈易逢花影乍涵紅頰潤苔痕初長
綠鬢濃藤蘿莫怪多蒙繞只恐還飛雲雨蹤

青霞樓 在蓮漪草堂東董燿讀書處

謝洲青霞樓讀書歌爲董經遠賦青霞之樓蓮溪側董君
讀書樓上頭朝朝不待晨曦出一編在手指雙眸夜夜聽
盡更漏永孤燈黯淡吟不休時而千花錯綺繡春光爛漫
樓前浮時而奇峯四羅列夏雲萬疊天邊稠時而皓月到
牀前清輝如洗長天秋時而照案雪三尺寒風凜冽歲已

南潯志

卷九

宅第一

三十一

周四時日月任賓送惟有牙籤萬軸勤鑽搜我因問董君
讀書有得不古來四庫浩烟海滋味只有遺經修務棄瑣
碎置不道但使義理心相謀不然手披目覽徒自苦到頭
只作書中囚董君領此意日向周孔求涵養久愈熟盎盎
天機流忽然長嘯萬籟寂突兀乾坤一小樓

董師植青霞樓秋夜玩月風埽閒雲淨霜爭皓月明坐深
人靜後鶴唳一江聲

橘香樓 在西芬草堂內姚景熹童時植橘一株越數十年而
碩大繁衍味甚甘美人咸以爲壽徵因顏其樓

百尺樓 一在洗粉兜姚氏園中一在花園術明莊允城子廷
鉞所築莊氏籍沒爲董紹聞所得稱董園又名南樓今並廢

嚴定越集百尺樓看牡丹紅紫二種分得風字洛下名園
競百叢翠幃初卷日融融香生錦繡開金谷客抱璫璣繫
玉驄一片紫凝珠箔外萬層霞吐畫欄中新題樂府紅兒
按傾倒仙株醉晚風慶雲按嚴定越即莊廷鉞變名

董恂潯溪棹歌溪南舊日好樓臺百尺樓高近已頽猶有

奇峰留草莽夜深相送月光來

家紹聞園中有百尺樓即南潯十景之南樓春曉也

又有明月峯

心遠樓 董煜所居今無攷

董懋昭題麟紱弟卧樓低低心遠只三間兩面窗通燕往

還晚霽遙天青一抹捲簾認得洞庭山

竹筠樓 閔南仲所居今無攷

南潯志

卷九

宅第一

三十三

閔南仲癸酉重五竹筠樓小飲聯句座分主客占題先

沈芥

舟雨洗今朝越樣天淡沱雲鱗如罨畫閔石悠揚風緒足

流連一時文酒當開宴俞逸人兩箇詩翁願執鞭艾虎上頭

威自伏沈絨蛇結字氣先顛手搓梅子吳香嫩閔心沁蘭

房楚些憐梁燕歸來符滿室俞介龍歌去筆如椽絲堪續

命靈均活沈草解宜男叔向仙繫臂守宮紅玉輓閔塗唇

蟾墨黑晶妍醉應卜晝催開甕俞吟約連牀教疊肩莖節

刻人巢外老沈蒲牙抽劍鏡中懸吸花錦脆看蛛網閔映

水簾疎透蠟煙指動得嘗西子舌俞脅奇誰浴晉侯駢鴛

鴛被外飛鷓鴣沈薜荔牆邊識蕙荃細搗興渠調石首閔

重礮義甲撥冰絃霞窗夢想蕉遮屋俞萍沼雷轟蛤吠田

地臘埋愁須九地閱 天中飛恨上三天 隔牆榴火燒紅燄

俞 貼岸荷珠照碧鮮 蜜父登筵霜落齒閱 蠟兄驚座澗流

涎紅黃滿泛朱砂俞 縹綠輕煎翡翠泉 新笋半拳欺紫

蕨閱 疎楊幾抱蔭 元蟬淚流不盡懷沙水俞 虹閃長留化

劍淵送老琴尊聊已矣閱 忘憂書畫且終焉 長空漠漠天

如笠俞 小牖矻矻屋似船 竟夕淹留珍瘦沈閱 畢生摹倣

媿寒虔擬撐落日 千山左俞 誓砥狂瀾萬渚前 但得風流

通氣分莫論負乘 莫論年閱

風雨樓 在西柵紀家壩紀磊所居 焜於兵燹近重建改曰梅

花居

許曰復石齋風雨樓竟爾被焚此向時諸故友昕夕聚談

南潯志

卷九

宅第一

三十四

之所也庭前紅白二梅已歷卅載牆外梧桐一株予與主
人從洞庭山移來今亦高與樓齊矣乃俱爲火灼死卽物

感懷成詩二首世間難得此高樓 李郭豪華憶昔遊 青草

每嗟同輩少 白頭還有故人留 亭亭梅老雙株秀 鬱鬱桐

陰百尺幽 今日重來焦土恨 何從索酒復相酬 劫火昆

明歷幾回望 中樓閣尙崔巍 錯疑天幸能逃厄 誰道途窮

復此災書策 他移還賸幾 妻孥望斷重歸來 榜成風雨眞

成讖 四字空空亂瓦堆

望暉樓 在西柵外九里橋南村民心寺僧慧澄所建環植梅

花頗饒幽趣今廢

夢好樓 董鑄范所居今無考

張鑑夢好樓記周官太卜掌三夢而列子六候與經不異
三日思五日喜其爲氣淫於藏則有餘於內不足於外者
一也里中有沈默之士曰董子鑄范讀書志古不慕榮祿
於書靡不窺而猶病其藏家之少閱市之淺顏其所居之
樓日夢好棐几竹榻百城南面以寄其深愛篤嗜之思俾
同志者爲之歌詠焉而屬余記之鑑因而告之曰如此者
非所謂有餘於內不足於外者耶吾觀世之樂狗馬聲色
者非僅儕夫狗馬聲色已也必將有取於韓盧宋雉追風
躡影羞花沈魚雖不得亦形諸夢以爲快則子於書亦豈
村塾兔園冊之所能錮又豈七錄四部之所能軀其求則
吾將由子之夢以窺子心矣今夫經至蹟矣自宋歐陽氏

信齋然日本古文之說而後之託安國孝經以暨毛漸三
墳豐坊魯詩不一也以子之夢其必撥灰縮粕神游域外
必將有遠駕乎皇侃論語義疏七經孟子攷文之足貴不
大快歟史至淆矣自曾鞏劉恕校祕閣諸史之闕而後之
補逸漢書廣搜十八家晉史以暨重編季漢更脩西魏不
一也以子之夢其必推幽鑿險心越恆蹊必將有親獲乎
謝承後漢書路振九國志之完美不大快歟子與集又至
紛矣自庾仲容子史鈔沈約袖中記之書失傳而後之破
佛髻掘智井以暨補綴北堂書鈔摭拾晏元獻類要不一
也以子之夢其必摹翠集腋察盡豪未必將有徧及乎文
思博要韻海鏡源脩文殿御覽之間見側出不大快歟昔

鄭人之言夢一以爲真一以爲假今吾且以子之夢未必假而余昔之遇未必非夢也曩在琅嬛仙館曾夢見夫鹿矣校文瀾閣未收之書得百有數十種中如魏了翁禮記要義張洽春秋集傳楊仲良宋通鑑長編紀事本末史炤通鑑釋文蕭吉五行大義王象之輿地紀勝錢渢回溪史韻楊鉤增補鍾鼎篆韻皆非世所經見爲皇清五閣所未掌錄心欲鈔其副而苦無力然則余之校不過一夢而子今之夢又焉知不爲得鄭人之鹿者耶長水朱氏之譔經義攷也仿開元釋教錄之例分存闕佚未見四目而近日之溢未見而散出者已不可枚數又焉知後之不足齷子之夢特恐專心致志忘寢與食至乃夢與鬼爭義如崔伯深者余且爲鼓掌而笑於其旁矣鑄范名蠡舟烏程人爲余同年雲帆先生子世家舊姓近見其藏書目所得蓋不少矣遂書之以爲記

眉月樓 在南蔣港陸長春所居

左茂桂題眉月樓填詞圖家家香徑自春風鏤玉雕瓊擬化工綠鬢尙留秦學士紅牙爭按柳郎中樓頭纖影新蛾媚檻外青山往蹟空多少揚州惆悵事斷腸都與付詞雄
張維嘉題應簫士眉月樓填詞圖紅豆青衫託豔思鵝笙象板寄新詞十三人與初三月併入屯田筆一枝 楊柳風前咳唾新畫闌一角倚吟身遠山亦是文君黛贏得相如賣賦貧 家世機雲未易才吳中團扇話南來還應五

鳳修成後眉史教君一例裁

孫運錦揚州慢題眉月樓填詞圖苔雪橫波苧蘿凝黛一樓遠颭鷗莊看初三月樣淺澹學雅黃悵當日風流太守雨荒雲冷誰按伊涼讓平原詞客清裁重譜霓裳打從跨鶴廣陵濤休問羅江祇杜牧三生何郎五字儘協宮商好是二分明月仍流盼霧閣雲窗度哀絲豪竹新聲還付吳孃

陳彬華湘月一闋奉題眉月樓填詞圖涼夜秋悽一鐙如豆因度念奴嬌過腔於雙調吹之不覺其悽以感也玉壺皎朗只瑤樓悄倚詞寫清興料是初三卻畫出一片彎彎風景揉碎紅心凋殘青鬢付與吟魂冷苕溪橫鎖夜涼別

南潯志

卷九

宅第一

三十七

具幽境 應是魯望風流江湖嘯傲蕩烟波春影寸樣愁腸儘領畧月落天空人靜刻翠還工流黃自掩酒奈今宵醒簫聲吹度夢迴卻待重省

畫扇樓 在東柵通津橋東劉桐所居今歸金氏

潯溪詩徵計魚計嘗館于同里劉氏畫扇樓以古學誨其弟子

絳霞樓 在北柵姓氏無攷

徐有珂小不其山房集九友堂後記云余家去潯不一舍於潯多莫逆交嘗寓潯北之絳霞樓二載

南潯志卷九終